

Մենավաճառի ենթարկված բամբակի գների մասին. — 1) Ներկայ տարւոյ սեպտ. 11-ին ընդունւած բամբակի մենավաճառի օրէնքի հիման վրա կառավարութեան ձեռք բերելիք բամբակի փթի գինը սահմանել քառասուն և իննը ռ. յիսուն կոպէկ (49ր. 50կ.) :

Ծանօթ. — 1. Յիշեալ գինը համարել Ֆրանկօ-պետական սլահետ :

Ծանօթ. — 2. Չմամլած բամբակի փթի գինը հաշուել վեց բուրլիով պակաս :

Ծանօթ. — 3. Չմաքրած բամբակը ընդունւում է տիրոջ հաշուով այն մաքրելուց յետոյ :

Ծանօթ. — 4. Բարդանները, տոպրակներն ու առհասարակ տարրան բամբակի պատկանելիքներն են, ուստի դրանց համար առանձին վարձատրութիւն չի տրուում :

Նախկին ոռոսական կայսրութեան օրէնքների գործադրման մասին Հայաստանի տերիտորիայի վրա. — Հայաստանի Հանրապետութեան տերիտորիայի վրա գործադրւում են ժամանակաւորապէս նախկին ոռոսական կայսրութեան օրէնքները, ժամանակաւոր Կառավարութեան, Անդրկովկասեան Կոմիտարիատի և Սէյմի ու Հայաստանի Խորհրդի փոփոխումներով և լրացումներով :

(Հաստ. դեկտ. 6-ին 1918թ.)

Սեմատի և դատաստանական ատեանի ներմուծման մասին Հայաստանի տերիտորիայի սահմաններում. — Յօդ. 1. Երևան քաղաքում բացւում է դատաստանական ատեան երկու դեպարտամենտներով՝ քաղաքացիական և քրէական :

Յօդ. 2. Երևան քաղաքում բացւում է սենատ բաղկացած երկու վճռաբեկ դեպարտամենտներից՝ քաղաքացիական ու քրէական՝ որոշումները բեկանելու խնդիրների վերաբննութեան համար :

Յօդ. 3. Սենատի երկու դեպարտամենտների ընդհանուր նիստը քննում է այն բոլոր միւս խնդիրները, որոնք ենթարկւում էին ոռոսական կառավարչական սենատի միւս դեպարտամենտներում և ընդհանուր (միացեալ) նիստերին :

Յօդ. 4. 1470-ը քաղաքացիական դատավարութեան կանոնադրութեան մէջ վերացւում են :

(Հաստ. դեկտ. 6-ին 1918թ.)

Հայաստանի Հանրապետութեան մէջ հաշտարար բաժանմունքների և ֆննիչական մասերի վերակազմութեան և նորերի բացման մասին. — Հայաստանի Հանրապետութեան մէջ հաստատւում են հետևեալ հաշտարար բաժանմունքները և ֆննիչական մասերը. —

I. Երևան քաղաքում հաստատւում են երկու հաշտարար բաժանմունք և նոյնքան ֆննիչական մասեր :

1) Երևանի քաղաքային առաջին հաշտարար բաժանմունք և ֆննիչական մաս և

2) Քաղաքային երկրորդ հաշտարար բաժանմունք և ֆննիչական մաս :

II. Երևանի դաւառում հաստատւում են երեք հաշտարար բաժանմունք և նոյնքան ֆննիչական մասեր :